



UNIVERSITÄTS-
BIBLIOTHEK
PADERBORN

**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 2. de Definitione Sacrificii

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

Tom. III. Controversiae III.

322

Salvatorem honorificantes, diverso & contrario quasi modo; ambo Peccatis miseri, ambo Misericordiam consecuti. Valet etiam ad hanc Similitudinem, quod in primo Populo unicuique Manna secundum propriam voluntatem in ore sapiebat, sic in ore cujusque Christiani Sacramentum illud, quomodo sumatur, estimandum; nam & ille honorando quotidie non audet sumere, & ille honorando non ulla die audet pratermittere. Contemnit solum non vult cibus ille, sicut Manna fastidium. Quomodounque hoc Augustini testimonium intueatur quis, nihil omnino videbit in eo aptum ad cultum Latriæ Symbolis Eucharisticis, extra usum in primis, debitum, cum Doctor Augustinus non nisi de dignâ hujus Sacramenti perceptione agat, quam dignitatem in Extero Ejus cultu & adoratione potius, quam internâ animi devotione sitam esse, nemo dixerit, qui Augustini ex Apostolicâ Pauli manuductione Sententiam de debitâ ad usum hujus Sacramenti præparatione perceperit ritè. In quarto Augustini testimonio idem legere est, quod in secundo, quod cum prioribus dum ad demonstrandum Latriæ cultum Symbolis Eucharisticis extra usum quoque debitum traxit Bellarminus, ostendit, se non bene Augustinum legisse, & audacter ex Eo collegisse omnino iis contraria, quæ Sanctus Pater hic & alibi satis expressè docuit. Et si responsum secundo Augustini testimonio adscriptum iis quoque verbis adplicari posse dicam, quæ Alfonso à Castro primo adjecit, quod contra possit excipi, non video, Augustino per ea etiam, quæ illustrationis ergo fuerunt addita, in hac quoque Controversiâ de adoratione Sacramenti Eucharistiae, Veritatis Evangelicae constanti Teste & Confessore, Bellarmino nihil in contrarium obtinente.

DE
SACRIFICIO MISSÆ,
LIBRI PRIMI
CAPVT SECUNDVM,
DE
Sacrificii Definitione.

VIT Bellarminus definitionem exstruat Missæ Sacrificio, quod defendantum suscepit, congruentem, Augustini autoritate & offerentivè utitur & defensivè. In specie autem ut obtineat, in Ecclesiâ Christi unum tantum verum esse ac proprium Sacrificium, nec propriè Sacrificia esse Sacra menta vel alia quævis operabona, que sunt ad calendum Deum, audacter scribit, esse hanc Sanctorum omnium Scriptorum, & inter eos præsertim Augustini Sententiam. Augustinus enim, inquit, probare volens, Epulas, quæ super Martyrum Civit Dei, Sepulchra à quibusdam ponebantur, non esse Sacrificium, sic ait: *Ea non esse Sacrificia Martyrum, novit, qui novit unum, quod Deo obfertur, Sacrificium Christianorum.* Idem quoque dicit alibi, *omnibus Veterum Sacrificiis successisse unicum & singulare Eucharistie Sacrificium.* Alias etiam Eucharistie Sacrificium vocat *verissimum & singulare.* Et iterum alibi adpallat *unicum.* Et ut hanc esse constantem Augustini Sententiam demonstret, id quoque testimonium Evangelicis & contrarium defendantibus eripere conatur, quo Doctor Sanctus generaliorem Sacrificii definitionem dedisse fuit visus. Eo dum non *Cheminius* tantum est usus, sed Doctor etiam aliquis, quem Bellarminus Catholicum dicit, & hominem *valde Eruditum & pium* fuisse scribit, videndum est, quibus utatur Exceptionibus, ne inveni Augstini ad Evangelicorum partes videatur adpropinquare, ac Veritati testimonium præbere. Definitio Sacrificii Augustiniana haec lib. 8. de Civit Dei, cap. ult. lib. 3. de Bapt. cap. ult. lib. 8. de Spir. & lit. cap. 11. lib. 1. contra Cref. cap. 25. lib. 10. de Civ. Dei, cap. 6. Joh. 15. est: *Sacrificium verum est omne opus, quod agitur, ut sancta Societas inherereat Deo, Relatum ad illum finem, quobeatis esse possimus.* In responso, quod Doctori, quem vocat, Catholico, opposuit, huc Bellarminus habet: *Augustinus non definit Sacrificium in genere, nec Sacrificium propriè dictum, sed solum (in specie) Sacrificium, quod principiū internum est, & opponitur Sacrificiis legalibus & merè externis; & vocat Sacrificium verum Ratione Dignitatis & effectus, non ratione forme & essentiae Sacrificii propriè dicti.* Non enim vult dicere, *Sacrificia interna esse Sacrificia magis propriè dicta, quam externa;* cum oppositum sit verum; sed esse præstantiora & Deogratiora, & facilius Deum placare. *Similis sententia est,* cum Christus dicit. *Ego sum Vitis vera.* Nec enim Dominus eo loco significare volebat, se magis

magis propriè vitem esse, quod attinet ad formam & essentiam vitis, quam sit illa, que plantatur in vineis; sed solum esse vitem nobilorem, & efficiens excellentiores producere, ut Euthymius in Commentario hujus loci recte exponit. Chemnitio idem ferè respondit, quamvis aliquo cum augmento, scribens: Tantum abest, ut Augustinus definire voluerit eo loco Sacrificium in genere, ut potius expresse excluserit à sua definitione omnia Veteris Legis Sacrificia, que in mortatione ovium & boum erant sita, que proprissime Sacrificii nomen & rationem retinunt. Alia, quæ & antecedenter & consequenter, utrobique tamen incidenter ex Augustino habet Bellarminus, studio viranda prolixitatis omisso, addens tantum, quæ de hoc Augustini loco Franciscus Panigarola, ex ordine Minorum Scriptor, observavit, plura subiungens Sancti Patris verba, quibus datam à se Sacrificii definitionem illustrari posse censuit: Vnde & ipsa Misericordia, quā homini subvenitur, si proper Deum non sit, non est Sacrificium. Et si enim ab homine sit vel obseretur, tamen Sacrificium est Res Divina, ita ut hoc quoq; vocabulo Latini veteres id adpellaverint. Vnde & ipse homo, Dei consacratus nō mini & Deo devotus, in quantum Mundus moritur, ut Deo vivat, Sacrificium est. Laudatus Discept. cap. 17.
Minorita, minorum fortè minimus, sequentia ad hanc Definitionem Augustinianam pag. 432.
excipit: Atqui non solum preces & bona oper aquodammodo Sacrificium adpellari, sed & cor
solum & sola cogitationes. Sacrificium Deo (gratum est) spiritus contribulatus; cor con-
tritum & humiliatum, Deus, non despicias. Sed hāc Ratione dicemusne, in Lege aliquā sa-
tis esse Sacrificium cordis; cum Sacrificium eā de causā sit institutum, ut cordis nostri cogitatio-
nes testificemur? Augustinus item loco eodem affirms, hominem illum, qui Deo sit consecra-
tus, facere de seipso Sacrificium. Sed propter cāsatisne esset in Lege aliqua unum hoc Sacrifici-
um, quod quis de seipso faceret? Solemus vulgo etiam dicere, ex. gr. Sacrificium fieret Deo, si
sceleris ille de medio tolleretur. At idcirco essetne idoneum Legis alijus Sacrificium, ut sa-
crificandi causa aliquis occideretur? Aliud ergo est, cum latè & minus propriè loquimur de Sa-
crificio; aliud vero, cum propriis loquimur verbis, ut rectè percipiamus, quid sit, quatenus est
primus Legis cultus. Altero modo loquitur Augustinus, quā ratione preces omnes & operabo-
nas sunt Sacrificia, id est, oblationes Deo gratissime; altero loquimur de illo propriè Sacrificio,
quod Religionem significat testificatur q;. & quod sacerdotem postulat. Hoc enim modo dicimus,
neḡ preces, neḡ bona opera quacunq; esse vel adpellari posse proprium Legis nostrae Sacrificium;
quaerē restam clare patet, ut per se loquatur ipsa. Plurim de hoc Augustini testimonio cen-
suras non colligo, quia uplurimū unius ejusdemque sunt tenoris, verbis tantum pau-
litper aut exemplis etiam mutatis. Ne autem Augustini authoritas Evangelicis hic eri-
piatur, ac definiſio Sacrificiorum ab Eo proposita locum habeat, lubet breviter excer-
pere, quæ Petrus Picherellus, Scriptor ante hoc Seculum Thuani, at, quanti Viti, Elogio
celebratissimus, & in re Sacramentariā non semel Veritatis Evangelicæ testis & Con-
fessor quam-maximè sincerus, in peculiari Dissertatione de Missâ circa hoc argumen-
tum ex Orthodoxâ Antiquitate, & nominatim Augustino notanter hinc inde obser-
vit, Lectori Veritatis Evangelicæ studioſo futura non ingrata. Ita autem Sorbonista
eruditissimus: Non me latet, Veteres de Cenâ Dominicâ loquentes plerumq; mentionem face-
re Oblationis seu Sacrificii & Altaris, sed hoc sensu, ut Sacrificium significet Sacrificii illius in
Cruce peracti memoriam, sive ut loco Sacrificii habeatur, & commemoratione illius Sacrificii tam
DEO fit accepta, at q; olim fuit Sacrificium. Inò dicitur Sacramentum memoriae ab Augustino, lib. 20.
qui & scribit: Jam Christiani memoriam peracti Sacrificii celebrant Sacro. Sanctâ obla-
tione & participatione Corporis & Sanguinis Christi. Et alibi: In isto (Panis & Vini) cap. 21.
Sacrificio gratiarum actio atque commemoratione est carnis Christi, quam pro nobis ob-
tulit, & Sanguinis, quem pro nobis idem Deus effudit. Et rursum: Christus scipsum
obtulit holocaustum pro peccatis nostris, & ejus Sacrificii similitudinem celebrandam
in suæ Passionis memoriam commendavit. sic cum Chrysostomus tertia in ad Ephesios
Pauli Epistolam Homiliâ dicit, Christum & agnum immolari, hoc esse videtur, quod Augu-
stinus de Catocalysmo dicit, Sacrificium Imaginis Agni obferri, cuius amplam ad Bonifacium
redit Rationem: Cur, cùm solus Christus in se sit immolatus, in Sacramento tamen non
solum per omnes Pasche Solennitates, sed omni die populis immoletur, & cur utique
non mentiatur, qui interrogat, Eum responderit immolari, nempe propter similitu-
dinem? Non dissimilia dicit alibi. Quod verò ad Altarum mentionem attinet, que Sacrificio, in Psal. 20.
ut supra dictum est, frequenter apud Patres adjungitur, id sit, ut in sacrificandi modo & ra-
tione perseveretur. Mensam enim notat Altare, que ad supponendum & obferendum tale Sa-
crificium sit velut Altare, locoq; Altaris. Vide Augustinum. sic quod apud Eundem legitur,

Tom. III. Controversia III.

524

Serm. 46. accedere ad Altare, alibi dicitur, accedere ad Menlam, quemadmodum idem ibidem dixerat, sumere de Mensâ Domini, quod alibi est sumere de Altari, & multis locis dicit, accedit, sumere de Mensâ Domini, quod Emissus Sermon de corpore & Sanguine Domini dicit, in Johan. adscendere Reverendum Altare. Hinc certè factum est, ut Sacramentum Cœnæ vulgo Sacramentum Altaris adpelletur, quo etiam nomine donatar ab Augustino, ut & Sacramenti Mensâ Domini, se secunde. Neque vero mirum esse debet, quod Sacrificium hic significet Sacrificii similitudinem seu Imitationem, quoniam ipse Augustinus Eucharistia figuram seu typam adpellet, atque ad cap. 25. eundem modum Sacrificium dicat sacrificii figuram, & Christianorum Symbolum ac signum Iesu mortui, id est, sacrificii Christi in Cruci mortui. Legimus quidem apud Veteres, offerri Deo à sacerdote Christi sacrificium, Passionem Christi, Mystica Symbola, Panem & Vinum, Corpus & Sanguinem Christi. Sed quod ad oblationem Sacrificii Christi attinet, & Passio nem Christi, sacrificium hoc intelligo memoriam seu similitudinem Sacrificii Christi, ut ante dictum est. Atq; ita legimus Calicem offerri in commemorationem Domini & Passionis Ejus, apud Cyprianum in Epistola ad Coecilium; quam ob rem etiam ibidem adpellatur Sacra mentum Dominicæ Passionis & Redemptionis. Præterea, quod in hoc Sacrificio, ut Augustinus ait, Panis & Vini Sacrificium adpellatur, gratiarum actio atque commemoratio ad Fidei ad tuō est carnis Christi, quam pro nobis obtulit, & Sanguinis, quem pro nobis idem effudit. Mystica autem symbola Panem & Vinum intelligo consecrata, idem etiam per Panem & Vinum. Per corpus & Sanguinem Christi autem corpus Christi, nectatum & mortuum (resti us necati & mortui) in Cruci, & sanguinem Ejus effusum, (id est, similitudinem illius Sacrifício corporis Christi mortui & Sanguinis effusi, quem ad modū paulò ante dictum, Sacrifício hoc Christi, & sanguine Ejus, ac signum Iesu mortui), aut mysticalla Symbola, quia suo etiam modo dicuntur corpus & sanguis Christi, ut, Hoc, id est, Panis consecratus, est corpus meum; hic Calix, id est, Vinum concreatum hoc poculo contentum, vel quicquid habet hic Calix, ut Augustinus loquitur, est Sanguis mens. Vtraq; autem oblatio, & similitudinis Sacrificii Christi, & mysticorum (quoq;) Symbolorum ad gratiarum actiones laudes & preces pertinet; Imo in significationem similitudinis Sacrificii Christi recedit mysticorum (quoq;) Symbolorum oblatio. Et postquam inter oblationes propriæ & impropriæ dictas dis crimen ostendit, de his monens, quod per quandam ad accommodationem & metaphoram eo nomine insigniantur, quasi sint quædam oblationes & Sacrificia Deo oblata, quæ haud secus Ei placeant, ac illa suave olentia & odorem bonum spirantia, & quemadmodum illa fuerint carnalia, sic ista sint spiritualia, ut illa fuerint bruta, sic illa sunt, adductis præter Tertulliani & Augustini etiam aliquibus Scripturæ N. T. testimonis, ita porrò scripsit: Retinet autem vocabula hac Novum Testamentum, ut ad Prophetas se conformet, quibus est usitissimum, ut quod spiritualiter in Ecclesia Christi post hujus intermissionem defecsum erat faciendum, illi ad suum se Seculum accommodantes, per carnales & crassos ritum, ac Levitici Templi & sacerdotis sacrificia, similitudinesque ab illis sumtas, atq; adeo similes loquendi modos, imo & ipsam eandem vocem exprimant, id quod propriè tamen ita adpellari non potest, sed impropriè, & proinde, ac se adverbium. Velut, vel aliud hujusmodi prepartetur. Hoc etiam amplius mihi videtur ita factum, ut auditus Sacrificiorum, ceremoniarum & rituum vocabulus semper illa meminiscimus fuisse typos & umbras eorum, quæ in N. T. erant peragenda. Sed est alia etiam species Sacrificii hujusmodi, nimirum Eleemosyna & Beneficentia, aliisque Charitatis officia. Quia enim in Cœna singuli fideles olim super Altari sive Mensâ reponabant Eleemosynas, Ministris & Pauperibus per Diaconos distribuendas, illos tanquam ejusdem secum corporis membra profiteentes, eas sepè Sacrificium appellaverunt Veteres, de Cœna loquentes. Ita resert Augustinus, in agapis Cœna fruges & carnes misericordia Christianorum erogatas fuisse pauperibus. Super illas Eleemosynas Altari impositas Deum suo populi, nomine, & eorum, qui aliquam obtulerant, vel recutatis eorum nominibus, Sacerdos precebat, ut gratias haberet, eas sanctificans, & Sacrificii nomine adpellans, sed non alia Ratione, quam ante exposuimus. In Summa, sacrificium apud Veteres, de Cœna loquentes, Sacrifice memoriam & preces, laudes & gratiarum actiones, & Eleemosynas sive Beneficentiam notat, que sit in ista Sacrificii. Porro autem omnia illa tam plebe, quam à Sacerdote dicuntur offerri Deo, preci pue tamen à Sacerdote, quod ille omnium Minister preces recitet, laudesq; & gratiarum actiones, quas pro plebe & per Eum ita plebs obseruat, cui ob id etiam in clausula accinit, Amen. Ceterum quod hoc Sacrificium Graci Patres sacrificium avauer & avaluerunt, id est, incurrerunt & sine Sanguine non raro adpellent, hoc ita accipio, quasi dicant, non propriè adpellari Sacrificium, sed impropriè, vel correctionem hanc addunt, quæ vox duriuscula emolliat, si modo Sacrificium incursum dici debet Sacrificium, Rationemque hanc subjiciunt, si pro-

lib. 20.
contra
Faust.
c. 20.

propriè Sacrificium esset, cruentum esset. Itaque Sacrificium etiam expiatorium adpellatur propter similitudinem tantum; nam reverā si expiatorium esset, incruentum non esset. Sic est quidam Baptismus ārūdē, sine Aquā, nimurūm improprie dictus, quo baptizati sunt, quos angustia Paſſionis invenit, & noleント negare Chriſtum ante, quam baptizarentur, Epist. 108. ad Seleuc.

Necessum fuit omnino hæc prolixius exscribere, ut potè egregium Veritatis testimoniū ex ore vel pennā potius Viri adversarię partialiā addicti exhibentia, quæ simulatis possunt facere iis, quæ Bellaminus in frā capite singulari de his vocibus *Sacrificii, Immolationis, Oblationis* &c. Iridem prolixè tradidit; quibus si addantur, quæ post *Chemnitium* & alios Doctores Evangelicos hōc argumentum ex professo tractantes *Dorschēus* in Mysariā Missā diversis ex Orthodoxā Antiquitate & nominatim *Augustino* ob-^{cap. 9.}
servatiōnibus ostendit, docens, Incriuēta Novi Testamenti Sacrificia esse Orationis ^{§. 18. &} seqq.
devotæ Iuspiria & prædicationem Verbi, & ea, quæ obſeruntur à Christianis, numero multitudinis vocari hostias & victimas, unicum vero Christum esse hostiam, unicum Sacerdotem, unum quoque *Templum* & Arā, & aliorum propriè Sacerdotum Veteres non meminisse, quin & Sacrificia Novi Testamenti ab omnibus obſerri posse & debere Christianis, & quod quam-maximè huc spectat, Sacrificium in Cruce præstitum, non minus hodiè efficax esse, quam in ipso mortis Christi articulo, & memoriam Sacrificii hujs in Cruce præstī Deo pro Sacrificio, quanquam non propriè diēto obſerri; Præterea, Doctores Ecclesiæ antiquos vocabula *Sacrificii, victimæ* &c. Eucharistiæ Sacramento adcommodantes rēp̄exiſſe inter alia *vel* ad preces, quas longā serie pro variis Mundi ordinib⁹ etiam juxta dispensationem Testamenti Domini Ecclēsia effudit, idque partim ante Consecrationem, partim in Consecratione, partim post Consecrationem, quod ultimum dupliciter fiebat, tum benedictione populi, tum Eucharistiæ; *vel* ad concursum variarum Christianarum Virtutis exercitationum, quem Deo Ecclesia exhibuit, & pii singulari quādam Consecratione se totos quasi in Deum effuderunt, & Eisdem se tribuerunt, meditatione devotissimā contemplantes sacrum hunc Thelaurum: *vel*, quod in primis hoc pertinet, ad ipsam repræsentationem Sacrificii illius unicī & propitiatorii, in dō ad certissimam exhibitionem atque Sacramentalem præsentiam corporis & Sanguinis Domini, tanquam Sacrificii in Crucis Arā exhibiti; *vel*, quod proximè huic coniunctum est & esse debet, ad singularem Fidei operationem, quæ corpus & Sanguinem Christi, certissimum Redemtionis lytron, in Sacra Cœnā firmo complexu adprehensum intimè sibi applicat, inter Deum & peccatum interponit, proque solutione sufficien̄t obſerit Deo; *h.e.c. inquam*, si traditis à Picherello pro uberiori illustratione addantur, quæ Dorschēus partim citatis, partim expressis *Augustini* & aliorum Patrum testimoniis confirmavit, & contra Bellarmini Exceptions vindicavit, subjugens tandem Epithera, quæ Patres ad nomen Sacrificii adjiciunt, cum in finem tantum esse adjecta, non ut Sacrificium aliquod novum incruentumque notent, sed ut *tum* admirabilem & excellentissimam corporis & Sanguinis Christi in hoc Sacramento propofiti dignitatem conſirment, *tum* ut discrimen inter figuræ adumbrationesque V. T. & Sacraenta N. T. atque Mysteria indicent, *tum* ut ad Sacrificium Crucis omnem vim Sacrae huic Cœnæ tribuens nostras erigant Meditations; *qua*, *inquam* adhuc semel atque iterū, si bene ponderentur, æquā nimirūm Judicij incorrupti & nullis præjudiciis occupati lance, adque Fidei Verbis Testamento innixæ analogiam ritè reducantur, quam Patres antiquos, & inter eos Augustinum, his loquendi formis è Sacro Codice desumti, & ad mentem Scriptorum Dei Spiritu actorum intellectis lādere voluisse, dicinon debet, parum erit super difficultatis in hoc negotio alias tot Disputationibus multum intricato, quod non possit facilè superari, resque ad liquilum deduci. Et quia *Augustini* præterim authoritas hic attendi debet, præter ea testimonia, quæ Picherellus suis interseruit observationibus, alia quādam pauca ut adnectantur, opus est, ne quid præter mentem Sancti Patris dictum, aut plāne Sententia augustissimo Doctori videatur adiecta. Eminent inter illa, quod ex collectione Sententiārum *Proſperi* in antecedens commendavit Dorschēus, ex quo sequentia superius jam laudata in rem præsentem notatu digna sunt: *Sicut celestis Panis, qui caro Christi est, suo modo vocatur corpus Christi, cum reverā sit Sacramentum corporis Christi, illius videlicet, quod palpabile, mortale in Cruce positum est, vocaturque ipsa Carnis Immolatio, quæ manibus fit Sacerdotis, Christi paſſio, mors, crucifixio; non rei veritate, sed significante Mysterio &c.* Dum vero in specie ad preces ante, in, & post Consecrationem, in usu & adcommodatione harum vocum, Veteres

Tom. III. Controversiae III.

§26

respxisse fuit observatum, sequens Augustini testimonium id comprobat: *omnis vel
Epist. 59. penè omnis frequentat Ecclesia, ut precatio[n]es accipiamus dictas, quas facimus in celebratione
ad Paulin. Sacramentorum antequam illud, quod est in Mensa Domini, incipiat benedicti; orationes, cum
benedicuntur & sanctificatur, & ad distribuendum comminuitur, quam totam petitionem omnis
ferè Ecclesia Oratione Dominicā concludit. Post aliqua: Interpellationes autem sive postula-
tiones sunt, cùm populus benedicitur; tunc enim Antifitites, velut advocati, suscep[er]o per im-
positionem manus Misericordissima obferunt p[ro]cessati, quibus peractis & participato tanto Sa-
cramento, Gratiarum actio cuncta concludit. Scriptis hæc Augustinus explicans & adpli-*

*I. Tim. II. cans discrimen illud, quod Paulus inter precatio[n]es vel oblationes, orationes item,
interpellationes quoque vel postulationes, & tandem Gratiarum actiones per Timo-
theum quibusvis verè fidelibus commendavit, è quarum numero dum Augustinus In-
terpellationes vel preces Episcoporum pro Populo intercessor[um] DEO obferri scripti,
utrum hujs vocabuli tum in Ecclesiā promiscuum & non ita, sicut hodiè, restrictum huis-
se ostendit. Porro, Repræsentationem Sacrificii in Cruce peracti, quæ in usu Sacra-
menti Eucharistie exhibetur, Augustinus docet sequentibus verbis: Nonne semel im-
molatus est Christus in seipso, & tamen in Sacramento non solum per omnes Pasche solemnita-
tes, sed omni die populis immolatur; nec utiq[ue] mentitur, qui interrogatus, Eum responderit im-
molari. Ad hæc, quæ Picherellus quoque observavit, ea etiam in primis pertinent, quæ
proximè in textu Augustini & immediatè leguntur: Si enim Sacra[m]enta quandam simili-
tudinem earum rerum, quarum sunt Sacra[m]enta, non haberent, omnino non essent sacra-
menta; ex hac autem similitudine plerumq[ue], etiam ipsarum rerum nomina accipiunt. Quod ve-
rò etiam devoti communicantes in ipso uso Sacramenti, corpus & Sanguinem Christi,
tanquam redētionis suæ lytron, DEO Patri per Fidem veram obferre fuit dictum, id
Augustinus etiam suo tempore notanter observavit, docens, quomodo Christus id, quæ
de Symb. suscep[er]it ex nobis, in Cælum levaverit, ad dextram Patris collocaverit, ac Fidei nostra certum
ad Catech. pignus dederit, ut secunda fuit membrum de tanto capite, fideliterq[ue] sperant, ad ipsum se posse per-
lib. II. cap. 7 venire, quem jam credunt ad dextram Patris sedere. In quibus verbis quid aliud per Fidei
nostræ pignus voluerit intellectum Augustinus, quam corporis & Sanguinis Ejus in Eu-
charistie Sacramento participationem, non video.*

Hisce nunc præmissis ad examen eorum rectâ imus, quæ Bellarmine ex Au-
gustino supra produxit, ut obtineat, unum esse tantum verum ac proprium Sacrificium, nec
Sacra[m]enta vel alia quævis opera bona esse propriè Sacrificia; si illud prius in gratiam Le-
ctoris monuerimus, Evangelicos non negare, unicum tantummodo esse verum Sacrifi-
cium propitiatorium, pro totius Mundi ac omnium in eo hominum peccatis, videlicet
Christi, Dei hominis, in Cruce peractum, imò ex ipso iterationem Sacrifici, ut
vocatur, Missatici damnare, ut potè non solum non necessariam & iniuriam, sed & non
parum Sacrificio Crucis injuriosam & detrahentem, quod alias & alibi ostenditur. Et
ut ab ipsa Sacrificii definitione, quam Augustinus exhibuit, initium fiat, qui Sacrificium
esse verum dixit *omne opus, quod agitur, ut Sancta societas inhaereatur Deo &c.* nescio, quid
in mentem venerit Bellarmino, ut auctor fuerit scribere, *Augustinum non definitissimum Sacri-
ficium in genere, nec Sacrificium propriè dictum, sed solum (in specie) Sacrificium, quod pre-
cipue sit internum, & opponatur Sacrificiis legalibus & mere externis &c.* Quamvis enim ne-
gari non possit, Sanctum Patrem ibi distinctè de Sacrificiis Testamenti Veteris & Novi
egisse, ipsa tamen Definitio Sacrificii ostendit, Eum utriusque Testamenti Sacrificia
sub eâ comprehendisse. Id ut Lectori Veritatis studio[s] fiat manifestum, ex antece-
dentiibus duobus capitibus, quæ cum eo proximè & immediate cohærent, in cuius Initi-
tio hæc Sacrificii definitio legitur, repeti debent aliqua huic Instituto quam maximè
intervientia. Et quidem cum unigeniti Sacerdotis humanum genus unico coram DEO
Patre placantis Sacrificio fecisset mentionem, præsupponens, nos simul omnes Dei Tem-
plum, & singulos esse Templa Dei, quia & singulos inhabitare dignetur, ejusq[ue] Altare esse cor no-
strum, de debito Sacrificia Deo obferendi ita Icripsi: *Ei cruentas cadamus viuimus, quan-
do ad Sanguinem usq[ue] pro Ejus veritate certamus;* & suavissimum adolemus incensum, cum
in ejus conspectu pro sancto amore flagramus; *Ei dona ejus in nobis nosq[ue] ipsos vovemus &
reddimus,* *Ei Beneficiorum ejus Solemnitatibus festis & diebus statutis dicamus sacramentum me-
moriā, ne volumine temporum ingratia subrepatur oblivio;* *Ei sacrificiamus h[ab]itam Humiliati-
tis & Laudis in Arâ cordis igne fervide charitatis.* Ad hunc videndum, sic uideripotest,
Ei coherendum, ab omni peccatorum & cupiditatum malarum labe mundamus, & Ejus nomi-
ne consecramur; *Ipse enim fons nostræ Beatiitudinis, ipse omnis adpetitionis est finis.* Hic est
Dei

Dei cultus, hec Religio vera, hec recta Pietas, hec Deo tantum debita servitus. Post in sequentibus de usu & fructu Sacrificiorum agens, ostendit, cum non DEI, cui Sacrificia obferuntur, sed hominum, qui Deo Sacrificia obferunt, verbis notatu dignissimis: Non solum igitur pecore, vel qualibet re aliâ corruptibili atq. terrenâ, sed ne ipsâ quidem Inſtituâ hominis Deum egere credendum est, totumq. quod recte colitur Deus, homini prodeſſe, non Deo. Neq. enim fonti se quisquam dixerit profuisse, si biberit; aut Luci, si viderit. Nec quod ab antiquis Patribus talia Sacrificia facta sunt in victimis pecorum, que nunc Dei populus legitime non facit, (Notat Ludovicus Vives, in aliis codicibus haberti, legit, non facit,) aliud intelligendum est, niſi rebus illis eas res fuisse significatas, que aguntur in nobis, ad hoc, ut inhæramus Deo, & ad eundem finem proximo consulamus. Sequitur hinc Sacrificii externi & visibilis à Sacrificio invisibili & interno discrimen & qualiscunque descriptio: Sacrificium visibile in visibili Sacrificii sacramentum, id est, sacram signum est. Illustrat illud insigni Veteris Testamenti Oraculo: Vnde paenitens ille apud Prophetam, vel ipse Propheta querens Deum suis peccatis habere propitium, inquit: Si voluisses Sacrificium, dediſsem. Utī. Pſal. 51.

que holocaustis non deleſtaberis. Sacrificium Deo (est) ſpiritus contribulatus; cor contritum & humiliatum Deus non ipernet. Intueamur, quemadmodum, ubi Deum dixit nolle Sacrificium, ibi Deum ostendit velle Sacrificium. Non vult ergo Sacrificium trucitatoris, sed vult Sacrificium contriti cordis. Illo igitur, quod Eum nolle dixit, hoc significatur, quod Eum velle ſubjecit. Sic itaq. illa Deum nolle dixit, quomodo à ſtutis ea velle creditur, velut ſue gratia voluntatis. Nam ſea Sacrificia, que vult, quorum hoc est unum, Cor contritum & humiliatum dolore pœnitendi, nollet eis significare Sacrificia, que velut ſibi deleſtabilitate deſiderare putatus eſt, non utiq. de his obferendis in Lege Veteri praecepisſet. Et idē mu-tanda erant opportuno certo jam tempore, ne ipſi Deo deſiderabilia, vel certe in nobis acceptibilia, ac non potius, que hiſ significata sunt, crederentur. Ac per hoc, ubi ſcriptum eſt, Mifericordiam magis volo, quam Sacrificium, nihil aliud, quam Sacrificio Sacrificium oportet in. Oſea, 6.

telligi prælatum, quoniam illud, quod ab hominibus appellatur Sacrificium, signum eſt veri Sacrificii. Mifericordia autem verum eſt Sacrificium. Quæcumq. igitur in Ministerio Tabernaculi ſive Templo multis modis leguntur de Sacrificiis eſſe Divinitus præcepta, ad dilectionem Dei & proximi significandam referuntur.

Sequitur nunc ipsa Sacrificii definitio, quam Bellarminus non tam Evangelicis, quam matifelisimæ Veritati eripere, aliumque ſenſum ei adtricare & adſingere conatur, ad cuius illustrationem præter ea, quæ Panigarola ex proximè lequentibus adduxit, hæc etiam referti debent, quibus Doctor auguſtisimius porrò ſuam de verâ Sacrificio-rum Deo placentium ratione mentem ita expreſſit: Corpus etiam noſtrum, cum per Temperantiam caſtigamus, ſi hoc, quemadmodum debemus, propter Deum facimus, ut non exhibeamus membra noſtra arma iniuitatis peccato, ſed arma Iuſtitia Deo, Sacrificium eſt. Quod Rom. 12. ubi clafico in hoc argumento Pauli oraculo confirmavit, plus ultra & à minori ad maius argumentum ducens ita ſcripit: Si ergo corpus, quo in ſenſo tanquam famulo vel tanquam inſtrumento uittur Anima, cum ejus bonus & rectus uſus ad DEum refertur, eſt Sacrificium; quanto magis Anima ipſa, cum ſe ad Deum refert, ut igne amoris Ejus accensa formam concupiſcentia ſecularis amittat. Etq. tanquam incommutabili forme ſubdita reformatur, hinc Ei placens, quod ex Ejus pulchritudine accepit, ſi Sacrificium. Cum igitur vera Sacrificia ſint opera Mifericordie, ſive in nos ipſos, ſive in proximos, que ad Deum referuntur, opera vero Mifericordie non ob aliud ſunt (ſinem), niſi in amicri liberemur, ac per hoc, ut beatiſimus, quod non fit, niſi à Bono illo, de quo dictum eſt: Mihi autem adhærere Deo bonum eſt; efficiunt profeſto, ut tota ipſa ciuitas redempta, hoc eſt, congregatio ſocietasq. Sanctorum, uni-versale Sacrificium Deo obferatur per Sacerdotem magnum, quietam ſeipſum in Paſſione obtulit pro nobis, ut tanti capit is corpus eſſemus ſecundum formam Servi. Hanc enim obtulit, in hæc oblatus eſt, quia ſecundum hanc Mediator eſt; in hæc ſacerdos, in hæc Sacrificium eſt. Clau-dit hanc deductionem fuam Sacrificiale in ſigni hoc Epiphonemate: Hoc eſt Sacrificium Christianorum, multi unum corpus in Christo ſumus; quod etiam Sacramento Altaris fideli-bus noto frequentat Ecclesia, ubi demonstratur et, quod in eâ oblatione, quam obfert, ipſa obfera-tur. Egregiè hæc omnia Auguſtinus de Sacrificiis in genere & in ſpecie, Judæorum in Veteri Testamento & Christianorum in Novo, extera & visibilia ab internis & inviſibilis optimè diſtinguens, additâ ibi Definitione generali, ad omnia in utroque Testa-mento Sacrificia pertinente, ubi juxta præſcriptum Lemma de vero perfecto, egit Sacri-ficio, quod Lemma ab Evangelico profeſtum nemo dicet. Cadunt hinc per ſe, quæcunque Bellarminus & post Eum Panigarola, aliquie non pauci ad infringendam hanc

Defi-

Definitionem ejusque valorem minuendum ex Ingenii imbecillitate sunt commentarii. Sicut enim vi Veritatis coactus agnoscere debuit Bellarminus, verum id esse Sacrificium, quod Augustinus definit, *ratione dignitatis & effectus*; Ita falsum est, dum ei inesse negat rationem *formae & essentiae* Sacrificii propriè dicti, ad specialem sui Sacrificii Missatici Rationem humanâ solum auctoritate nixam recipiens. Et hinc falsum quoque est, *Sacrificia solum externa esse Sacrificia magis propriè dicta*; hâc quamvis iterum veritate intermixta, *Sacrificia interna esse prestantiora & Deo gratiiora, ac Deum facilius placare*, quâm externa, præprimis si devotione internâ & verâ Fide destituantur. Præterea, dissimiles valde sunt locutiones, inque nullam venire possunt comparationem, quando Augustinus verum esse Sacrificium dicit *omne opus, quod agitur, ut sanctâ societate inheratur Deo &c.* & quando Christus se veram Victimam esse dicit. Christus enim ibi expressè non definit rationem verâ Vitis, sicut Augustinus veri Sacrificii, sed semetipsum in specie, vel in individuo potius dixit esse veram Victimam, quâ ratione si Augustinus Missæ Sacrificium dixisset esse verum Sacrificium, scio, Bellarminus existimat, habere se ex Augustino irrefutabile pro Missæ Sacrificio argumentum & testimonium, contra quod Inferorum portæ cum omnium hæreticorum & schismaticorum exercitibus prevalere nullo planè modo possent; quod vero, dum Augustinus non scripsit, ubi quam maximè, loco nimis debito, scribere debuit, si hoc Missæ Sacrificium pro Sacrificio vero & propriè ita dicto, &c, quod Missifices Papæ bôdiè cum Bellarmino post Definitionem Tridentinam unanimiter urgent, pro unico Ecclesiæ Novi Testamenti Sacrificio, ex communi & receptâ tum temporis Sententia agnovit, ad authoritatem pertinet argumenti negantis, hic quidem non minimi, sed maximi ex debito astimandam. Falsum porro est, Augustinum ab hâc Sacrificii definitione expresse omnia Veteris Legis Sacrificia exclusisse, ut potè, quæ propriissime Sacrificii nomen & rationem retineant; dum non locum contextus integer, ex quo præcipua ejus capita suère excerpta, aliud plane ostendat, sed & alia ejusdem Sancti Patris loca idem argumentum tractantia manifestum faciant, Eum Veteris Testamenti Sacrificia, quæ Bellarminus pro Sacrificiis propriissime ita dictis habet, non nisi pro signis & figuris Sacrificii unici verè & propriè propitiatori habuisse. Inde Doctor Augustinus notanter, ubi in prolixâ Definitionis à se propria explicatione id præprimis necessariò observandum monuit, uni tantum, vero &

ib. 10. de Civ. Dei. c. 20. Signa erant prisca sanctorum Sacrificia, cum hoc unum per multa figuraretur, tanquam verbis multis res una diceretur, ut sine fastidio multum commendaretur. Et alibi in eodem argumen-

ib. 22. contra Faust. cap. 17. tomento occupatus demonstravit, *Sacrificium non deberi, nisi uni & vero Deo, quod Ei unus & verus Sacerdos obtulit, Mediator Dei & hominum, cuius Sacrificii promissus figuris in victimis animalium celebrara oportebat*, scripsit, proper commendationem future Carnis &

Sanguinis, per quam unam victimam fieret Remissio peccatorum de carne & sanguine contritorum, quæ Regnum Dei non possidebunt; quia eadem corporis substantia in calorem commutabitur qualitatem, quod Ignis in Sacrificio significabat, velut absorbens mortem in victimam. In eo autem populo rite sunt hac celebrata, cuius & Regnum & Sacerdotium prophetarant venturi Regis & Sacerdotis, ad regendos & conférandos fideles in omnibus Gentibus, & introducendos in Regnum Caelorum & Sacrarium Angelorum ad Vitam eternam. Iterum alibi adhuc apertius: *In Sacrificiis carnalium victimarum, que ipsa sibi Sancta Trinitas, que unus est Deus novi & Veteris Testamenti, a Patribus nostris obferri præcipiebat, illius Sacrificii significabatur gratissimum munus, quod pro nobis scipsum solus Dei Filius secundum carnem misericorditer esset oblaturus.* Ipse enim secundum Apostolicam Doctrinam obtulit semetipsum pro nobis oblationem & hostiam Deo in odorem Suavitatis. Ipse verus Deus & Pontifex, qui pro nobis non in sanguine taurorum & hircorum, sed in Sanguine suo semel introivit in Sancta; quod tunc Pontifex ille significabat, qui cum sanguine in Sancta Sanctorum per singulos introbat Annos. Iste igitur est, qui in se uno totum exhibuit, quod esse necessarium ad redemtionem nostræ sciebat effectum; idem scilicet Sacerdos & Sacrificium, idem Deus & Templum. Sacerdos, per quem sumus reconciliati; Sacrificium, quo sumus reconciliati; Templum in quo sumus reconciliati; Deus, cui sumus reconciliati. Solus tamen Sacerdos, Sacrificium & Templum, & haec omnia Deus secundum formam servi. Et hoc pertinet, quod in laudâ Definitionis explicatione, ut eam ostendat esse generalem, adque omnia utriusque Testamenti Sacrifici referendam, itidem in genere & ad præsens Institutum quam accommodatissime observavit Augustinus, quod ab hominibus appellatur Sacrificium, signum esse veri Sacrificii, ut alia nunc prætercam, quæ ex visceribus integri contextus fallissimam Bel-

De Fide
ad Pe-
trum, c. II.

Bellarmini Glossam esse evincunt, uberior non eruenda, ne Lectoris judicio videar dif-
fide. Sed & Panigarola inconsequentes consequentia & deductiones hisce observatis
evanescunt. Neq; enim Augustinus, neq; Ejus ductu Missæ Sacrificium è numero Sacri-
ficiorum propriè ita dictorum excludentes Evangelici, & quicunque alii, in serie Testi-
um Veritatis hoc in puncto memorantur, *Sacrificium cordis* solum pro Sacrificio propriè
ita dicto, cum exclusione vel Sacrificiorum V. T. vel Sacrifici à Christo in Cruce pera-
ti agnoscent, sed eidem, sicut aliis in V. T. Sacrificis, quamvis certo cum discrimine,
definitionem Sacramenti competere defendant. Idem de homine testatur Augustinus,
quoad animam & corpus, ad Apostoli autoritatem provocans, quam nullo planè mo-
do imminuit, quod Panigarola ex communī apud Vulgum usū loquendi *de homine celeste*,
malefactis mortem merito deblaterat, pessimè à stylo hominum ad Spiritus S. stylum, &
versa vice argumentatus, ac utrumque inter se turpiter confundens, qui si insuper inter
Sacrificium Christi unicum, ad quod Sacrificia V. T. respicerunt, & Sacrificia Christiano-
rum non unius generis & speciei, quorum fructus tamen & valor ab unico hoc Chri-
sti Sacrificio verè propitiatorio dependet, distinguere didicisset, facilius Augustini men-
tem & hanc rem totam capere & intelligere potuisset. Ad cetera nunc ut transeamus
testimonia, quibus ex Augustino demonstrare voluit Bellarminus, in Ecclesiâ Christi u-
num tantum esse verum ac proprium sacrificium, Missa nimirūm, nec Sacra menta vel alia que-
vis opera bona, que ad Deum sunt colendum, propriè Sacrificia esse, facile etiam ubivis est re-
sponsum. Dum enim Epulas, quas suo tempore super Martyrum Sepulchra non quidem
amelioribus Christianis ponit scripsit, nullam talem in plerisq; terrarum esse consuetudinem te-
statur, numero Sacrificiorum excludens, unum esse docuit, quod Deo obseritur, Sacrifici-
um manifestum est, loqui Eum de Sacrificio Christi propitiatorio, cuius memoria in Sa-
cramento Eucharistiae celebratur, iuxta Sententiam illorum ex Augustino testimoniorum,
qua Picherellus supra non parcet ex variis Ejus Scriptis suppeditavit. Ita alibi scribens, Sa-
cramentis T. V. successib; Sacrificiis, quod Christus post in Ecclesiâ celebrari voluit pro illis omni-
bus, nimirūm Sacra mentis & Sacrificii, qua in eodem sensu Augustinus hic videtur ha-
buisse; nihil iterū aliud significare voluit, quam sublationem cruentorum in V. T. Sa-
cramentorum & Sacrificiorum, qualia à Christianis in N. T. amplius non requiruntur,
postquam pretiosissimus summi Sacerdotis in Crucis Arâ effusus Sanguis scholam Sa-
cra ficiam V. T. clausit & quasi obsignavit, cuius Sacrificii verè & in se propitiatorii ce-
lebratio memorialis in Eucharistiae Sacramento Christianis fidelibus commendata ab
ipso Sacerdote summo & Testamenti conditore Christo, vice omnium Sacrificiorum
est, qua numero ferè in numero olim obferebantur, unicum illud Sacrificium typicè ex
instituto Dei præsignificantia, & alto quasi clamore prænuntiantia. Eadem est ratio
ceterorum ex Augustino locorum, quibus Eucharistiae Sacramentum vocat *verissimum,*
singulare & unicum Sacrificium, eo nimirūm sensu, quo Picherellus docuit, & quo verè Sa-
cra ficium Crucis unicum N. T. Sacrificium dicitur, cruentum nempe & propitiatorium,
ceteris omnibus utriusque Testamento Sacrificiis vim & virtutem communicans, sine
qua neque Sacrificia V. T. cruenta, Deo placuerunt, neque Sacrificia N. T. incruenta
Deo ullatenus placere possunt. Hoc sensu & ad hanc Augustini mentem si adhuc ho-
diē Sacramentum Eucharistiae dicatur Sacrificium, videlicet propter memoriam Sacri-
ficii in Cruce oblati, Evangelici non adeò refragantur, utut Augustana Confessio, teste
Ejusdem Apologiæ, consultò hoc Sacrificii nomen in descriptione Sacramenti Eucha- vid. D.
ristiae propter ambiguitatem vitaverit, nec hodiecum cuvis pro arbitrio libertate li- Hülfem,
citum sit, hoc nomen in Eucharistico hoc negotio in Ecclesiam reintroducere, eam- Dial.
que fermento hoc Papistico, à quo DEI gratia per Lutheri Ministerium fuit repurga- Apol.
ta, de novo inficere, quod non planè nullis inter Irénicos & Syncretistas hactenus pla-
cere fuit yulum, de quo alibi & alias.

CAPVT SEXTVM,

De

Sacerdotio Melchisedeci.

Inter argumenta, quibus veritatem Sacrificii Missæ Bellarminus demonstrare satagit,
in acie & primo exhibit loco typum vel figuram Melchisedeci, quem tanquam
Sacerdotem Abraham Patriarchæ post victoriam redeunti obyiam factum obtulisse

Y y

Pa.